

**Naqqiut**

Siusinnerusukkut 17. august 2021-mi nassiunneqarsimasumut taartaasoq.  
(*Naalakkersuisup taaguutaa allangortinneqarpoq naalakkersuisoqarfiit allangortinneqarnerisa kingunerisaanik*)

**Uunga siunnersuut: Nunami inuussutissarsiutinut tunngatillugu inuussutissarsiormik siuarsaaneq pillugu Inatsisartut inatsisaata allangortinneqarnera pillugu inatsit nr. x ulloq xx. 2021-imeersoq**  
(Erseqqissaaneq nipilersormik inuussutissarsiutinut aamma filmiliornermi inuussutissarsiutinut tunngatillugu)

**Saqqummiussinnermut allakkiq**  
(Inuussutissarsiormut Niuernermullu Naalakkersuisoq)  
**Siullermeerinnineq**

Naalakkersuisut sinnerlugit matumuuna saqqummiutissavara Nunami inuussutissarsiutinut tunngatillugu inuussutissarsiormik siuarsaaneq pillugu Inatsisartut inatsisaata allangortinneqarnissaanut siunnersuut.

Siunnersuummi siunertaavoq Inatsisartut 2020-imi upernaakkut ataatsimiinnermi allanguutissatut siunnersuummik imm. 87-imik aalajangiiffigisassatut siunnersuutaasumik akuersissuteqarnerata naammassineqarnissaa.

Inatsisartut aalajangiineranni ersippoq Naalakkersuisut inatsisissamik siunnersuuteqassasut Nunami inuussutissarsiutinut tunngatillugu inuussutissarsiormik siuarsaaneq pillugu inatsimmi § 2-imi ilanngunneqassasoq oqaatsit “nipilersormik inuussutissarsiutit aamma filmiliornermik inuussutissarsiutit.”

Nunami inuussutissarsiutinut tunngatillugu inuussutissarsiormik siuarsaaneq pillugu inatsisikkut tapersorsorneqartarput nunatsinni inuussutissarsiutinik ineriartortitsinerit, inuussutissarsiutinik siammasissumik tamakkiisumillu siuarsaanerit, inuussutissarsiutinillu ingerlatsisuusut ataasiakkaat ineriartorsinnaanerannut aqutissiueqataasinnaasut.

Matumani inatsisissatut siunnersuummut oqaaseqaatini ersippoq § 2, imm. 1-imi oqaasertap allanguuteqartinnera taamaallaat paasinarsaaneq erseqqissaanerullunilu, maannalu Nunami inuussutissarsiutinut tunngatillugu inuussutissarsiormik siuarsaaneq inatsisip atuuffigisaanut atatillugu.

Taamaasillunilu siunnersuutikkut inatsisip oqaasertaani matumuuna erseqqissarneqarpoq inatsimmi aamma ilaasut nipilersornermik inuussutissarsiutit aamma filmiliornermik inuussutissarsiutit.

Taamatut oqaaseqarlunga matumuuna siunnersuut Inatsisartunut suliassanngortippara.